

Nappaatit inunnut nalinginnaasumik ulorianartut pillugit Namminersorlutik Oqartussat nalunaarutaat nr. 22, 30. juuni 2022-mersooq

Nappaatit tunillaassortut akiorniarlugit iliuutsit pillugit Inatsisartut peqqussutaanni nr. 10, 20. juni 2022-imeersumi § 2, imm. 5 kiisalu § 45, imm. 1 naapertorlugit, aamma Nunatta Nakorsaaneqarfianiit innersuussutit aamma Tunillaassortunik Nappaalanersuaqarneranut Ataatsimiititaliarsuaq isumasiorneqarnera, naapertorlugit aalajangersarneqarpoq:

Nappaatit inunnut nalinginnaasumik ulorianartut

§ 1. Nappaatit makku inunnut nalinginnaasumik ulorianartunut qallunaatut, latiinerisut aamma nunat tamalaat akornanni taaguutinut ilaapput:

- 1) Kopper, Variola aamma Smallpox.
- 2) Pest, Pestis aamma Plague.
- 3) Polio, Poliomyelitis anterior acuta aamma Poliomyelitis.

Imm. 2. Nappaatit makku nappaatinut inunnut nalinginnaasumik ulorianartunut qallunaatut, latiinerisut aamma nunat tamalaat akornanni taaguutinut ilaapput:

- 1) Corona Virus 2019 (COVID-19) aamma Novel Coronavirus 2019 (COVID-19).
- 2) Ebola aamma Ebola virus disease.
- 3) Ekstensivt resistant tuberkulose (XDR-TB) aamma Extensively drug-resistant mycobacterium tuberculosis (XDR-TB).
- 4) Timmissat nappaataat pissutigalugu A(H5) aamma A(H7N9) subtyper aamma Avian influenza, A(H5) aamma A(H7N9) subtypes.
- 5) Krim-Congo hæmoragisk feber aamma Crimean-Congo haemorrhagic fever.
- 6) Lassa-feber aamma Lassa Fever.
- 7) Marburg-sygdom aamma Marburg virus disease.
- 8) Middle East respiratorisk syndrom (MERS) aamma Middle East respiratory syndrome (MERS).
- 9) Nipahvirus sygdom aamma Nipah virus infection.
- 10) Pandemisk influenza aamma Pandemic influenza.
- 11) Svær Akut Respiratorisk Syndrom (SARS) aamma Severe Acute Respiratory Syndrome (SARS).

Nalunaaruteqartarnermi aaqqissuussaq

§ 2. Peqqissaanermik suliaqartut akuerisat inuinnaallu imaluunniit suliffeqarfiit, laboratoriami

misissueqqissaarnermik ingerlatsisut, § 1-mi nappaatit taakkartorneqartunit paasisaqareernerup kingorna piaartumik Nunatta Nakorsaaneqarfianut nalunaarutigissavaat.

Imm. 2. Nunatta nakorsaaneqarfiata nalunaarutiginninneq naammattumik malinnaaviginiassammagu imm. 1 naapertorlugu nalunaarutiginninneq paasissutissanik pisariaqartunik imaqassaaq.

Atortuulersitsineq

§ 3. Nalunaarut 1. juli 2022-mi atuutilissaaq.

Namminersorlutik Oqartussat, ulloq. 30. juuni 2022

Mimi Karlsen
Peqqinnissamut Naalakkersuisoq

/ Nike Berthelsen